



### **UniMAP SERAH SUMBANGAN 3,449 PERABOT KEPADA 23 SEKOLAH**

Kangar, 14 Disember 2016 – Universiti Malaysia Perlis (UniMAP) telah menyumbangkan sebanyak 3,449 perabot terpakai kepada sekolah-sekolah dan organisasi terpilih yang memerlukan.

Naib Canselor UniMAP, Dato' Prof. Dr. Zul Azhar Zahid Jamal berkata perabot-perabot yang masih baik itu sebelum ini adalah kelengkapan Kolej Kediaman Zon Kuala Perlis yang telah ditutup operasinya secara rasmi pada semester lalu.

“Antara perabot itu ialah katil, almari, meja dan kerusi pelajar diserahkan kepada 23 buah sekolah selain institusi pengajian di sekitar negeri Perlis, Kedah serta Kelantan agar mereka dapat memanfaatkannya.

“Secara tidak langsung, ia menjadi program tanggungjawab sosial korporat universiti (UCSR) yang diamalkan UniMAP sejak awal penubuhan lagi,” kata beliau ketika berucap di majlis penyerahan sumbangan perabot di Kolej Kediaman Tun Dr. Ismail (KKE) UniMAP, di sini, hari ini.

Hadir sama ke majlis itu ialah Timbalan Naib Canselor Hal Ehwal Pelajar & Alumni (HEPA) UniMAP, Prof. Madya Dr. Mohd Foad Sakdan, Rektor Kolej Universiti Islam Perlis (KUIPs) Dr. Mohd. Mizan Mohamad Aslam dan Pengerusi Majlis Pengurusan Kolej Kediaman UniMAP Hirwan Jasbir Jaafar.

Dalam majlis itu, Zul Azhar turut menyampaikan surat penyerahan perabot berkenaan kepada wakil-wakil sekolah yang hadir sebagai simbolik penyerahan sumbangan itu.

Sementara itu, Pengarah Pusat Ko-kurikulum UniMAP Prof. Dr. Zaliman Sauli yang mewakili Pengetua Pusat Dakwah Jeli, Kelantan berkata perabot yang dibawa ke sekolah berkenaan adalah bagi melengkapkan keperluan di asrama sekolah itu.

“Sebelum ini saya pernah melawat ke sekolah itu dan mendapati hanya mempunyai tilam sebagai alas tidur mereka, justeru 100 katil dan lain-lain perabot yang disumbangkan ini akan memberi lebih keselesaan kepada pelajar-pelajarnya.

“Sekolah itu juga sentiasa aktif dengan program-program malah sering menerima lawatan luar, maka kelengkapan perabot ini juga dapat memberi kemudahan kepada pelawat-pelawat yang datang,” katanya.

Senarai sekolah yang terlibat beserta sumbangan perabot.

BIL	PEMOHON	KATIL SINGLE	KATIL DOUBLE	ALMARI SINGLE	ALMARI DOUBLE	MEJA	KERUSI
1	MAKTAB MAHMUD PADANG TERAP			75		20	191
2	SMA MAAHAD AKADEMI ISLAM KEDAH	10	25	50			
3	MAAHAD TAHFIZ AL HIKMAH	15		25		50	
4	BUSINESS SCHOOL ASSOCIATION (BESCA) PPIPT					40	40
5	PUSAT DAKWAH JELI ( PONDOK MODEN)	100			50	100	100
6	MDRASAH MIFTAHUL HIDAYAH		30	50		100	0
7	RUMAH MAK TEH		10	20		20	
8	SEK.MEN.AGAMA AL HANAFIAH		13		13	50	0
9	TAHFIZ AL IMAN		12		13		
10	MAAHAD ZAINIL ABIDIN	30			13	50	0
11	MAAHAD TAHFIZ AL - FITYAN	60			25	100	0
12	MAAHAD TAHFIZ AL QURAN AR RAUDHAH (LELAKI)	20			13	30	0
13	PUSAT TAHFIZ AL-QURAN SERENDAH GOLF RESORT	15			5	2	0
14	PUSAT PENGAJIAN TAHFIZ AL QURAN LIL BANIN	30			13	50	0
15	PERTUBUHAN KEBAJIKAN TERATAK NUHAIRI SEDIM	20			5		
16	MA'HAD ATTARBIYAH AL-ISLAMIIYAH	30			13	50	
17	INSTITUT PENGAJIAN TINGGI ISLAM PERLIS	30			13	50	
18	SEK.MEN.AGAMA IHSANIAH	90			36	150	
19	MA'HAD TAHFIZ AL QURAN AL IMAM AN NAWAWI (MATIN),	60			50	100	
20	YAYASAN ANAK-ANAK YATIM PIATU BEHOR TEMAK	10			5		
21	SEK.MEN.KEB DATO' JAAFAR HASSAN	30			25	50	
22	DARULSSALAM, KG CHANGKAT SETOI,	53			30	80	

	CHANGLUN						
23	KUIPS	91		350		350	
<b>JUMLAH PEMOHONAN</b>		<b>694</b>	<b>90</b>	<b>570</b>	<b>322</b>	<b>1,442</b>	<b>331</b>

habis

**Dikeluarkan Oleh :**

**Aininulniza Mohd Yusof**

Unit Perhubungan Media UniMAP